

ОКТЯБРЬ

Тэ, Октябрь, Октябрь, Октябрь,
Голь йөз костын - Ыджыд лун!

Тэнө пыдди пуктö «раб»...

Тэ, Октябрь, пыр водзö мун,

Пемыд инö,

Голь йөз дінö!

Вит во сайын вöлі кад:

Роч му вылö уси пуд;

Сэні вежсис олан лад -

Дырөн воис тэнад шуд,

Ёна дырөн

Уна вирөн.

Тэнад властыд öні көрт,

Ёна ыджыд сылөн вын.

Тэнад знамя югыдгöрд -

Озыр йөзлысь ёрö син...

Сійö вылын,

Роч му вылын.

Тэнад зэв нин ыджыд шы:

Быд йөз костын - тöдан тор...

Гөгөр гызис... содö гы

Саридз сайын пом ни дор...

Сэн ас костас

Мунö косьяс.

Озыр йөзысь тэ эн пов,

Найö видöны кө - мед!

Гöльяс, «рабьяс» понда ов,

Налысь дугдывтöг пыр тöд

Сьökыд олöм

Ёна полöм...

Тэ, Октябрь, мун водзö пыр

Аслад туйöd! Сэсь эн кеж!

Паськыд му голь йөзөн тыр,

Ыджыд выннад налысь веж

Оланногсö
Курыд шогсö.